

**Naalackersuisut Ilulissani GUX-imik tassungalu atatillugu ilinniartut inaannik kingusinnerpaamik ukioq 2027 naatinnagu pilersitsinissaannut peqquneqarnissaannik Inatsisartunut aalajangiiffigisassatut siunnersuut.**  
(Inatsisartunut ilaasortaq Jens NapātôK', Naleraq)

**Aappassaaneerinninnerup aappaanut,**

Ilulissani Assessorissanut, inuusutissarsionermut takornarialerinermet aamma tunngasunik ilinniarfimmik, aalisarnermet piniarnermet sammisortalimmik, imminullu pilersornermet ilinniarfimmik periarfissiisumik pilersitsinissamut Jens Napaattuup Naleqqameersup siunnersuutaanut ima oqaaseqarusuppunga.

Ataqqinarnut inatsisartuni ilaasortat aammalu Naalackersuisut,

Eqqartorneqartumut misissuineq naammanngilaq.  
Pilersitsinissaq pisariaqarpoq maanna iliuuseqartoqartariaqarpoq.

Pilersitsinissaq siunertaralaugu siunnersuuteqartup qaqitaa, misissuinissamik siunertaqarnani siunnersuut suliarineqarpoq.  
Pisariaqartisineq ersarimmat, nunatta sinnera qiviaraanni avannaani Ilinniarsimassuseq appasimmat.

Siunnersuuteqartup eqqummaariffigalugu ilinniarfimmik pilersitsinissaq siunnersuutigaa.

Apeqqut tassaavoq:

Maanna aallartissaagut nunatsinni inuusuttunut periarfissanik pilersitsinermik?

Ilulissani ilinniarfimmik pilersitsinissaq tassaavoq:

- siunissamut aningaasaliineq.
- Tassaavoq inuusuttunut nunattalu siunissamut aningaasaliineq.
- Sineriammi ilinniarfiliarluni ineriartortitsilluni siunissamut aningaasaliineq.
- Tassaavoq nunatsinni nammineq nukitsinnik pilersitsinissamut toqqammavik.

Naleqqamiit erseqqissumik isumaqarpugut, nunatsinni ineriartortitsineq pissasoq, nalunaarusianik amerlanerusunik pisariaqartitsinngilagut.

Qunusuillunili siunissamut aningaasaliinermik sapiissusilinnik siuttoqarnissarput massakut akisussaaffimmik tiguisinnaasunik pisariaqartitsivugut, Ilinniarfimmik pilersitsinnaasunik, misissuinerinnaangittumik.

Ukiorpassuarni oqaatsit assigiit tusaasarpavut:

“Misissorneqassaaq.”

“Nalilersorneqassaaq.”

“Suleqatigiissitaq pilersinneqassaaq.”

Naalackersuisut nalunngilaat avannaani inuusuttorpasuit ilinniagaqarusukkaluarlutik angerlarsimaffimminnit ungasissumut nuuttariaqartartut, tamannalu aamma peqqutaqaataalluni ingerlariaqqinngitsoortartut, ajorneruppallu ilinniarnerminnik unitsitsiinnartartut tunniutiinnarlutillu.

Nalunngilaat ilinniartunut inissiat amigaatigineqartut.

Nalunngilaat Ilulissat ineriartorfiusoq.

Assersuutigalugu takornariaqarnikkut, inuussutissarsiutitigut assigiingitsutigut, Aalisarnikkut, nunanullu allanut attaveqarnek annertusilersoq mittarfittaarnikkut.

Nalunngilaallu ilinniartuup pisariaqartinneqarnera.

Taamaammat apeqqut pisariaqartitsisoqarnera pillugu pineqanngilaq.

Apeqqut tassaavoq politikikkut piumassuseqartoqarnersoq.

Naleraq isumaqarpoq nunatsinni ineriartortitsineq allaffissornerinnaq aqutigalugu pisinnaangitsoq.

Ineriartorneq pissaaq innuttaasut pisariaqartitaat aallaavigalugit aalajangersimasunik suliniuteqarnikkut.

Namminiilivinnissamik oqartartilluta inuusuttunut periarfissat qitiusunut ataasiakkaanut katersorsinnaangilavut.

Nunarput nukittorsarneqassaaq periarfissat innuttaasunut qaninnerulerpata. Ilulissani ilinniartoqarfik pilersinneqarpat inuusuttunut iluaqutaaginnarani avannaani suliffinnik aamma pilersitsissaaq, siunissamullu inuusuttorpasuarlut toqqammavimmik ilinniarsimassutsimik qaffassaavimmik nunatta iluaqutissaanik pilersitsiffiussaaq.

Tamanna ineriartornermik pilersitsissaaq.

Inuussutissarsiornermut iluaqutaassaaq.

Ilaqutariinnut toqqissisimanarnerulersitsissaaq.

Sineriappullu tamakkerlugu ineriartortinneqarnissaa qulakiissallugu.

Taakkartukkagut tassaapput Naleqqami toqqammavigisagut - siunissamut pilersaarusiagut ataqatigiissarneqarnikut nunatta nammineerluta kivinnissaanut tulleriarinerni suliasatta ilaat.

- Sineriak tamakkerlugu ineriartortitsineq.
- Nammineq pisariaqartitatsinnik aallaaveqarnek.
- Kalaallit salliutillugit ingerlatsineq.

- Utaqqiinnarani iliuuseqarneq.
- Nunatta nammineq nukittorsarnissaa.

Taamaattumik ajuusaarnarpoq siunnersuut manna allanngortinneqarmat misissueqqinnermut kisiat tunngalersillugu imaalu saatillugu.

Nalunngilarpummi ajoraluartumik misissuinerit amerlanertigut qanoq kinguneqartartut: Suliat kinguarsarneqartarput.

Piffissaq ingerlasarpoq.  
Pingaarnersiunerit allanngortarput.

Kingornalu inuusuttut utaqqiinnartariaqassapput siunissaallu eqqorneqassalluni. Kisianni oqaatigerusuppara inuusuttut utaqqisinnaanngillat.

Ilinniartitaaneq pingaaruteqartoq oqaatigiinnarneqarsinnaanngilaq takutinneqartariaqarpoq, akisussaaffimmik tigusilluni.

Naleqqami siunnersuusiortoqartanngilaq misissuiinnarnissamik anguniagaqarluni, nalunaarsorneqarsimappata toqqammavissaqarpallu timitaliineq tamaviaarullugu anguniarneqartarpoq.

Aaqqiissutissanik pilersitserusuppugut.

Taamaattumik Inatsisartut ullumikkut ersarissumik nalunaaruteqartariaqartut isumaqarpugut.

Maanna misissuineq naammanngilaq.

Projektering / Pilersaarusionerit pilersitsinissamut aallartittariaqarpoq.

Maanna tunngavik toqqammavik sanaartorneqartariaqarpoq.

Aalajangiinerit taamaattut tamaasa kinguartikkaangatsigit nunatsinni ineriartorneq aamma kinguartittarparput.

Kalaallit Nunaat ilinniarsimasunik pisariaqartitsivoq,

Siumut ingerlassagutta pilersitsineq aningaasaliineq pisariaqavippoq.

Misissuiinnarani iliuuseqarneq

Piumassuseqarnermik innuttaasunut takutitsinissaq piffissaavoq,

Massakkut uani siunnersuummi nunatsinnullu siunissamut nammineq napatissinnaalernissatsinnut upperinninneq, pilersitsinermi aamma takutinneqarsinnaalluni. Ilinniartinnik siunissamik avammut niuernerme aalisakkanik allatigullu siuariartussagutta, nalunngilarput assaat pisariaqartikkigut.



Minnerunngitsumillu ilinniarsimassutsit qaffassarnissaat, namminiilivinnissamut ilinniarsimasukippallaartugut oqariartuutigineqarpoq.

Aajuna periarfissaq pimoorussilluni assigiingitsutigut piareersaanermi aqutissat ilaat naleqqamiit siunnerfiit aqutigisariaqakkat siunnersuutigineqartut ilaat.

Massakkut messe-ni assigiingittuni oqariartortoqartaarpoq  
Nunatta siunissaa eqqartorlugu, pilersitsinissaq siunniunneqarsimasoq, tamanna tusarlugu.

Nuannaarpugut neriulluarluta tusaaneqariartornerput allatigut nuillattaalermat.  
Taamannak oqaaseqarlunga ajuusaarutigaara pilersitsinissaq naalackersuisuutitalit amerlanerussuteqarlutik misissuinissamut una siunnersuut sangutimmassuk,  
Siunnersuuteqartup Naleqqameersup Jens Napaattuup  
Ilulissani ilinniarfittaarnissamut siunnersuuta, Avannaata kommunea-ni ilinniarsimassutsip appasippallaarnera peqqutigalugu  
Aqqiissutissatut siunnersuuta,  
Assersuutigalugu SPS-imi ilinniartunik aappallit ataatsikkut kapitartuullugu  
ilinniartuusinnaanernut aqutissiusinnaasoq, neriutigigaluaratsigu pilersitsinissamut piareersarneqassasoq misissuinissamullu sangutinneqarmat uggoralugu.

Kisiannili neriulluta Naalackersuisup suliaq ingerlatilluariarlugu pilersitsinissamut piviusunngortitsinissaminut ingerlatilluarumaaraa.

Taamak oqaaseqarlunga taperserlugu  
Suliaqartoqarluarnissaanik kissaassivunga.

Qujanaq.